

«ՓՅՈՒՆԻԿԻ» ԽՄԲԱԳՐՈՒԹՅԱՆԸ

ՀԱՐԳԵԼԻ ԽՄԲԱԳՐՈՒԹՅՈՒՆ

Ձեր պարբերականի 1991 թ. № 2-ում զետեղված է լեզվաբան Ռ. Իշխանյանի նամակը ուղղված երիտասարդ արևելագետ Գ. Ասատրյանին և ապա այդ առիթով «Մասնագետ, դիվետանտ» խորագիրը կրող «մի փոքրիկ նյութ», ուր, իբր, վերարտադրված է իմ և Իշխանյանի միջև տարիներ առաջ տեղի ունեցած երկու զրույց (խոսակցություն): Լեզվաբանը փորձում է հավատացնել ընթերցողին, որ 1971 թ. ես իրեն ասել եմ, թե պատմաբան Ս. Երեմյանը «համաշխարհային ճանաչում ունեցող գիտնական է», իսկ դրանից 14 տարի հետո նույն գիտնականին, իբր, համարել եմ «դիվետանտ»: Բացահայտ կեղծիք, ինչպես ասում են, պոչավոր սուտ: Ամենայն պատասխանատվությամբ հայտարարում եմ. Երեմյանի մասին ես երբեք չեմ խոսել Իշխանյանի հետ: Ամենայն վճռականությամբ հայտնում եմ նաև, որ Երեմյանի հասցեին ես երբեք և ոչ մի տեղ թույլ չեմ տվել, և չէի կարող թույլ տալ գործածել «դիվետանտ» բառը, քանի որ ես նրան միշտ համարել եմ բարձրորակ մասնագետ և անվանի պատմաբան: Այսպիսով, նամակին կցված հավելվածը, որին լեզվաբանը անվանում է «մի փոքրիկ նյութ», շարամիտ հորինվածք է: Ահա ևս մի օրինակ այն մասին, թե ինչպես կարելի է խոսել բարոյական նորմերի մասին, բայց միաժամանակ, եթե պետք է, գոեհղորեն ոտնահարել դրանք:

Ինչո՞վ բացատրել Իշխանյանի այս վարքը: Բանն այն է, որ իմ խըմբագրությունում լույս տեսնող «Պատմա-բանասիրական հանդեսում» տպագրվել են մի շարք պատմաբան գիտնականների հոդվածներ, որոնցում ցույց են տրվել Ռ. Իշխանյանի, մեղմ ասած, ոչ բանիմացությունը պատմության հարցերում: Ի վիճակի չլինելով վարել գիտական բանավեճ, լեզվաբանը ճրգնում է վարկաբեկել «Հանդեսը», նրա խմբագրին և սիրողական, մակերեսային դիրքերից անպարկեշտ հարձակումներ գործել իրեն քննադատող մասնագետների վրա: Ի դեպ նշենք, որ սա պատահական երևույթ չէ Իշխանյանի համար: Հայտնի է, որ լեզվաբանը մեր մասսայական, ոչ գիտական մամուլում տպագրում է ահռելի քանակությամբ հոդվածներ (ինչպես և ունենում է բազմաթիվ ելույթներ հեռուստատեսությամբ ու ռադիոյով), որոնց մի զգալի մասում այլևայլ առիթներով փորձեր են արվում վարկաբեկել տասնյակ մտավորականների: Անպատասխանատվությունը հասնում է այն աստիճանի, որ նա գրում և խոսում է «Հայաստանի գիտական մաֆիայի», հանրապետության «գիտության ակադեմիայի մաֆիական բարքերի» մասին, չբերելով ոչ մի փաստ, ոչ մի ապացույց: Հասկանալի է, որ մեր մտավորականության շատ և շատ ներկայացուցիչների դեմ Իշխանյանի կողմից մղվող այդ «ծավալուն պայքարը» ոչ մի աղերս չունի ո՛չ գիտության զարգացման մասին մտահոգության և ո՛չ էլ մարդկային տարրական բարեխղճության հետ:

Ինչ վերաբերում է արևելագետ Գ. Ասատրյանին ուղղած Իշխանյանի նամակին, ապա ես այն համարում եմ խիստ ցածրորակ և ամոթալի: Առանց ճանաչելու Ասատրյանին, ծանոթ չլինելով նրա աշխատություններին, նամակագիրը կասկածի տակ է առնում երիտասարդ արևելագետի գիտական բարեխղճությունը և զանվությունը, վիրավորում է նրա արժանապատվությունը: Լեզվաբանին գայրացրել է այն հանգամանքը, որ «Փյունիկի» նախորդ համարում տպագրած «Միրողականությունը հասարակական գիտություններում» իր հոդվածում արևելագետը իրավացիորեն քննադատել է դի-

լեռանտիզմը (սիրողականությունը), նշելով, որ իսկական դիտության զարգացումը կարող է ապահովել ոչ թե դիլեմանտիզմը, այլ պրոֆեսիոնալիզմը: Սա բացարձակ ճշմարտություն է, դրա դեմ ոչ ոք չի կարող առարկել: Սակայն լեզվարանը ունի հակառակ կարծիք, նա իր պաշտպանության տակ է վերցնում սիրողականությունը: Ինչու: Ըստ երևույթին այն մետամով, որպեսզի արդարացնի հայ ժողովրդի պատմության հարցերում ցուցաբերած իր դիլեմանտիզմը, որի մասին քանիցս նշվել է մեր պատմագիտության մեջ (տե՛ս, օրինակ, Գ. Սարգսյանի, ապա Գ. Տիրացյանի ու Գ. Արեշյանի հոդվածները «Պատմա-բանասիրական հանդեսում», 1990 թ., №№ 1, 3):

Պրոֆեսոր Իշխանյանը խրատներ է տալիս արևելագետ Ասատրյանին: Չգիտեմ վերջինս ինչպես կընդունի դրանք, բայց կարծում եմ վատ չի լինի. եթե Իշխանյանը հաշվի առնի Ասատրյանի հետևյալ խորհուրդը. «Յուրաբանչուր ոք, մանավանդ մտավորականի հավակնություն ունեցող մարդ, պետք է հասկանա, որ ազգային սնապարծության պատվաստումը ժողովրդին, հատկապես հակադիտական և խախուտ կովանների վրա, հայրենասիրություն չէ, բնավ: Ազգային դաստիարակության կառույցը պետք է հենվի միայն ճշմարտության վրա, բացարձակ դիտական ճշմարտության: Իսկական հայրենասիրությունը պետք է սնվի մաքուր և անաղարտ աղբյուրից: Վերջիվերջո հայ ժողովրդի պատմությունն ու մշակույթը այնքան հարուստ և ինքնաաիպ են, որ մենք կարիք չունենք որևէ բան կեղծելու...»:

Ընդգծելով սիրողականության անպտուղ և վնասակար էությունը, Ասատրյանը իր հորվածը վերջացնում է հետևյալ նախադասությամբ. «Ժամանակն է, որ ամեն մարդ դրադվի իր զործով: Կարծում եմ, որ մեր «ամենագետ» ու «որդմափեղակ» հեղինակների համար սա ևս օգտակար խորհուրդ է:

Մ. ՆՆՐՍԻՍՅԱՆ  
ՀԳՍ ակադեմիկոս